

四庫全書

史部

欽定四庫全書

萬壽盛典初集卷九十六

歌頌三十六

詞臣二十八

萬壽德音頌

有序

翰林院庶吉士臣汪份

欽惟我

皇上因廷臣恭祝

萬壽之請特沛

德音

諭以

御極以來惟欲萬國乂安敬

天法

祖垂令名於弈世今

壽屆六十憂勞倍增惟願為臣清正為子孝思弟兄友  
愛讀正書盡職業各殫誠心為慶祝之儀外此  
皆無所嗜好大哉

聖人之訓詞宏深奧遠剴切詳明誠非歷代帝王所能  
及也臣愚竊考戴記禮運篇蓋孔子諭大順之  
實體信達順之道而備舉家之肥國之肥天下  
之肥以謂如此則天不愛其道地不愛其實人  
不愛其情故天降膏露地出醴泉山出器車河  
出馬圖鳳凰麒麟皆在郊藪龜龍在宮沼夫家  
國天下皆肥則家國天下皆仁仁也者順之體  
也惟仁故壽聖人行德而民仁壽者家國天下

皆肥之謂也而宋儒程頤謂君子修己以敬篤  
恭而天下平惟上一於恭敬則天地自位萬  
物自育而四靈畢至此體信達順之道朱子則  
謂體信是致中達順是致和實體斯道於身自  
然發而中節推之天下而無所不通蓋禮運所  
謂體信達順以致家國天下之肥故諸福之物  
可致之祥無不畢至即論語修己以安百姓中  
庸致中和天地位萬物育篤恭而天下平之義

臣愚竊以三書之言合諸我

皇上聖諭蓋前古聖人立言以垂範當今

聖人身體而力行孟子所謂其揆一者也臣愚伏覩我

皇上具聰明睿智上聖之才而窮經稽史考道論治夙

寤晨興孜孜不倦天戈南指大慝悉平疆土之

拓軼於禹迹

躬提禁旅三超瀚海平沙萬里無敢違拒由是天之所

覆咸奉正朔稽首稱臣莫不賓順

親視河防指授方畧東淮敵黃疏通清口一旦河神受  
職而潛遵

聖主約束地平天成萬世永賴仁愛孚於天下無有親  
疎遠邇惟恐一物不得其所蠲租賑粟之

詔無歲不下近者遂盡除田賦三年而徧於海內舉凡  
表章經籍尊崇先賢澄清吏治獎拔賢才減省  
浮靡鉤稽國計興厲學宮廣開貢舉優恤軍伍  
教閱武勇以逮緩獄寬刑修塘建閘鉅細之務

皆盡思極神

躬親聽斷奉若

天道憲章

祖法處之以寅畏行之以祇慎業業兢兢不敢須臾自暇  
自逸所謂脩己之敬致中致和不顯篤恭之德  
體信達順之道維我

皇上一身備之矣今者德教既已浹洽風俗既已淳厚  
天下既已興仁符貺既已委至乃



聖心亶亶惕厲倍增深戒廷臣勿事虛文務崇實政俾  
各以盡臣道盡子道盡弟道國安民治姦宄寧  
息為慶祝隆儀臣愚竊謂合於禮運家國天下  
皆肥之指而論語中庸所謂百姓之安天下之  
平與夫天地萬物之位育者也且所貴於家國  
天下之皆肥者何也肥則仁仁則壽聖人行德  
而民仁壽此大順之實也故惟聖人為能開壽  
域於斯世而百姓由此而安天下由此而平天

地萬物由此而位育當是之時天瑞應誠而至  
推之而不去辭之而益多故天不愛道地不愛  
寶陰陽調風雨時山不童澤不涸羣生和四靈  
至天地之間被潤澤而大豐美而聖人純嘏天  
錫眉壽萬年遂與天而無極臣愚乃知

聖諭所及誠人臣慶祝

萬壽之隆儀方今

聖世久已臻茲盛美而

皇心謙抑更欲勉以新功若不敢自謂已至蓋虞書帝  
庸作歌責難於臣保以戒慎

聖人用意大抵如此亦孟子所謂其揆一者也臣份謹  
拜手稽首而獻頌曰

皇有大訓訓於廷臣曰

余御極

壽登六旬我法維

祖我敬維

天務俾政乂以安斯民惟日孜孜亦既蒼顏無他嗜好倍  
增勞動勞動之久如見放勲華封之祝寧非愛  
君堯獨固辭何為其然不堪其瘁天位孔艱孰  
知堯心惟

余一人

余亦何祈此心相傳汝欲祝

壽屏爾虛文惟廉惟孝友於弟昆非聖勿讀正言日聞  
勉爾職業罔或因循實殫爾心效於

余前慶祝之儀莫此為先

訓詞深厚於古誰倫克知允迪位在德元自始

踐祚終日乾乾獨見衆表遠紹羲軒極深研幾嚅嚅道

真吐詞為經以發奇芬上探月窟下躡天根牢

籠覆載克彌克綸去其稂莠既鋤既耘海外有

截南踰朱垠雷厲風飛

親統六軍

三駕之餘北土咸賓乃

眷南顧

駐蹕河津河來方壯萬水奔渾乃通清口毋俾或堙千

古洪流遂安其瀾辨色

視朝達於夜分令聞令望

聖德日新克詰戎兵虢虎雲屯閱其騎射時令時申簡  
核獄詞必躬必親化彼嚴寒予以春溫乃

命冢宰飭爾官聯洗手奉職則惟汝賢乃

命司農乃

命春官惟民惟士沛以

新恩

視飽如饑

視暖如寒三歲而徧田租盡蠲逮及商賈孰嘖孰呻

皇有大賚以恤其貧相彼生徒號曰席珍

特創新科俾速騰騫逮及武夫婉於儒羣亦各執經觀

聽橋門無鉅無細惟畏惟寅合諸

聖諭既備於

身其在魯論子思所編亦越戴記禮運之篇聖經垂範

維

皇克遵先聖後聖其揆則均

聖心之謙

聖德之尊巍巍煌煌不自鋪陳罔或封於泰山罔或禪

於云亭自古雖有徽號曰匪

天衷所存茲因祝

壽受



誨諄諄惟願斯世俗易風淳士曰勗哉相與陶甄此糾  
彼過彼繩此愆惟民雖愚見善則遷此修於市  
彼力於田百隸師師無黨無偏弼成教化如泥  
在鈞問諸一鄉鄉無愚頑問諸天下天下興仁  
既登大順介福自繁體信達順實維其源惟此  
介福大順所臻運於無形窺之有端

天錫

聖皇億載萬年永永難老宰我人寰

天錫

聖皇司造化權能開壽域在宇宙間皤皤老叟所在成  
村各居其所往來不煩於時皤皤於時安安於  
時蕩蕩於時平平陰陽和調無侵無氛紛紛郁  
郁示我慶雲化及鳥獸其心克馴草木何知亦  
各欣欣起視田疇嘉禾駢駢起視郊藪有鳳有  
麟至治馨香感於明神懿哉祥嘏致之非難以  
茲愛

君其忠乃純以茲祝

君其儀彌敷信而有徵至矣

皇言恭惟

聖世盛美克全

勉以新功抑何拳拳

勤惕之實於此焉宣咨爾在廷奉以周旋各守爾典勿

懈益虔

皇上萬壽無疆頌

有序

翰林院庶吉士臣吳闓杰

臣聞帝王之生五百年而當運會聖神之壽八  
千歲以為春秋非頌禱之虛辭實天人之至理  
所以羲軒御宇享祚彌長姚姒膺圖歷年最久  
考之上古大概如斯未有德邁古今直軼唐虞  
而上壽同天地共仰覆載之長如

今日者也欽惟我

皇上精一傳心立文武聖神之極剛柔合德協雨暘寒  
燠之宜摩義漸仁沛澤長開乎萬禩制禮作樂  
移風無待於百年捐三千萬之金錢足民先於  
足國安十五省之赤子革面抑且革心考績課  
功則官方由以澄叙崇儒重道則文教藉以振  
興欣宇宙之太和樂臣民之熙洽真所謂宜民  
宜人受祿于天保佑命之自天申之者也臣惟  
下士叨列清班覲光

輦轂歷觀

聖澤之覃敷伏處鄉邦備悉民情之踴躍

皇仁疊沛久聞載道歌呼

聖壽屆期喜見填街祝頌茲值三春令序適當六十齊

年臣雖學問疎庸識見迂淺幸際昌辰於

聖世能無竭慮而抒毫用展微忱採輿情於閭里敢伸  
下悃協衆志於臣寮謹拜手稽首而獻頌曰

恭惟我

皇繼天立極統承

三祖萬方是則曰聖與仁唯

皇之德聖化神功惠此四國唯古有聖至誠格天天錫  
之福億萬斯年我

皇至德軼後超前天人協應禮樂交宣穆穆我

皇聰明睿智不顯維德中和並致聖無不通多能聿至

煥乎文章萬古無二

聖皇赫赫有此武功震驚南土王功是崇唯此朔野亦

輸其衷武功伊濯八表來同思此多士維國之  
禎聖化所育聖教所成我

皇不棄側陋揚明拔茅連茹以其彙征思此邦本食為  
民天歟從其薄民安于田

皇仁蕩蕩租免其全我倉我廩粟餘九年大法小廉維  
官之要明明我

皇不察而照吏不生姦民歌而笑生養安全

天子之詔我

欽定四庫全書

欽定四庫全書  
欽定四庫全書  
卷九十六



皇之德無幽不通申儆吏治一道同風爰

命翠華來巡其功匪獨民懷河淮奏工維野與朝被

帝之德維士與民忘

帝之力維範有言錫福不忒求端於天庶幾曰得高高

在上實鑒我

皇既錫勇智且壽而康自古在昔其道有常我

皇之壽萬壽無疆

臣隨臣

父相繼食祿

臣父吳涵屢蒙  
超擢歷官都

察院左

都御史

聖澤皇仁霑濡煦育寧私天恩萬方之福敢拜萬年同

於華祝

臣

父歷官頻膺

寵命每退而言遺忠未竟何幸

微臣

得逢大慶拜手颺

言

天子之聖

金定四庫全書

卷九十六

萬壽無疆頌

有序

翰林院庶吉士臣陳大章

臣聞天佑下民作之君作之師聖人者天生之以財成造化扶翼世教惠養斯民者也爰自上古道莫大於三皇德莫高於五帝功莫盛於三王皆應運挺生繼天有作靈貺叶其禎符鴻號光於日月秦漢以還真人代起雲氣赤光之瑞雙龍夾馬之祥莫不幽贊神祇昭彰讖緯美德

述命踵事增華竭臣子之誠顯邦家之慶然而  
金繩玉檢隆其典矣未適其宜寶錄徽稱章厥  
文矣未既其實粵若道隆化普累洽重熙契六  
合而居尊握神功而不宰自開闢以來未有若  
我

國家之純懿顯鑠者矣洪惟

太祖高皇帝天作高山丕基弘緒

太宗文皇帝光宅四海奄有三分

世祖章皇帝一戎大定萬國來同拯斯民於湯火之中奠  
天下於磐石之固

皇上膺上聖之資際開泰之運提乾維挈坤軸緝億兆  
規萬葉宣

三后之耿光集百靈之奧祉知天之幬如地之載鼓之以  
雷霆潤之以膏雨陽開陰闔仁漸義摩易俗移  
風淪肌浹髓蓋五十二年於茲矣臣竊觀自古  
帝王或躬定大業制作未遑或繼體守文恢擴

不足或富强立國而名法太繁或忠厚開基而  
聲靈未振或狃於承平而土木甲兵之事起或  
忽於近習而宦官宮掖之孽生我

皇上六位時乘一中允執儀先天而作覩兼開創為守  
成

清明在躬

夙夜基命欽明上世損益百王淵默而雷聲齋居而  
龍見智周萬物而無跡道濟天下而不居日新

學問矢敬德以緝熙天授英謀養神武於不殺  
任賢遠奸持之以斷信賞必罰劑之以寬遠不  
遺於萬里近不玩於目前大必謹於宮廷細不  
忘於戶牖值民安物阜之時儉約以先天下當  
保大定功之後精勤無改厥初垂裳恭己而淳  
化流行變色動容而海內震懼是以正位凝旒  
寅恭對越三才莫矣備養崇名惇族叙典五教  
敷矣考六樂正百禮中和之極建矣飭五材釐



八政曲成之用神矣蠲租賦以恤民依慎刑辟而除苛法師師者在列濟濟者盈庭型仁講讓以陶鑄羣材黜幽陟明以翼亮王路經邦論道記言箴闕之官虎節魚符振遠懷荒之使文經之武緯之參旂昴鉞奮雄冊以掃欃槍壁彩奎鉤揮天章而薄雲漢尊師拜道見寤寐於羹牆輯瑞省方鏡榮光於河洛幹璇衡而齊七政風行草偃萃萬代之邕和懸玉燭以式九圍海宴

塵清躋斯民於仁壽然猶業業兢兢日慎一日  
宵衣自警

旰食不遑升中薦岳陋封禪於七十二君尊號隆名  
示撝謙於六十四卦蓋我

皇上以敬

天為本以勤民為實乾元溥利不言長養之功江海無盈  
式表沖虛之量由是道際無垠澤流方外薰蒸  
渥洽菌蠢蕃孳上下和同神人悅穆四時均而

百物遂六符見而泰階平景星喬雲醴泉甘露  
之禎漫空而布汜騶虞神雀芝草嘉禾之瑞徧  
藪而彌郊黃髮之老髻鬣之童遊康衢而鼓腹  
截耳之豪貫胷之傑望

化國而皈心維時歲在昭陽律吹姑洗蒼龍屆節乙  
鳥翔風當貞元妙合之期正甲子誕彌之會九  
州四海切瞻雲就日之思萬載一時欣貫昴流  
虹之應

天子御青陽居右个出閭闔煥離明紫氣綢繆護鸞旗  
而直上非煙縹緲映雉尾以徐開登假

上穹旁孚

皇祇響八音於瑤闕陳九奏於彤墀駿奔萬國鷺序千  
官龜表柳塞之君參差而虎拜滄海蹄林之長  
踴躍於鴈行萬呼萬歲之聲從空而降天錫老  
人之兆應候畢來大禮有融休徵允暢歛箕疇  
之五福佐佑禎期集華祝之三多彌綸壽域巽

風解雨未寸晷而匝九垓巷舞塗歌不崇朝而  
徧天下蓋將登三咸五苞夏掩周超混沌以建  
業籠萬世為一君豈直上軼漢唐俯視魏晉而  
已哉臣江介豎儒山林長物濫邀清選世受

國恩酌大海以一蠡未酬涓滴窺高天於寸管無補  
纖毫向日輸誠謹同四方之賀後天申祝遙稱  
萬歲之觴謹拜手稽首獻頌曰

皇矣

上帝監四方眷求同德君萬邦星輝電繞儲嘉祥篤生

聖哲媿虞唐珠庭日角祥應彰纂圖御極熙重光巍巍  
三后在帝旁陟降上下福澤滂黃承玉曆升馨香濬文睿  
武恢天網斟酌元氣調陰陽參侔兩曜揚焜煌  
六典順序百職康雲行雨施浹混茫罄天作主  
包八荒梯山駕海通享王化成久道滋鴻龐衍  
靈襲慶

景祐長天旋雷動開明堂袞衣火藻臨中央紫微環拱

華蓋張九功維叙七德颺充庭萬寓羅軒裳和  
氣四塞薰風翔鳳之儀儀麟蹒蹒涵液滲漉寶  
道章年穀用熟民熙攘還淳反樸追羲黃磅礴  
厚載回昊蒼舄弈千古流鏗鏘徵符考牒浩莫  
量祚我

皇兮萬壽無疆

萬壽詩

五言排律二首

翰林院庶吉士臣劉蛟

惟天生

至聖道以一中承剛健乾元統聰明  
鼎命凝德隆山並  
永化洽海同澄大武干戈戢宏文禮樂興千秋  
推盛烈萬國卜休徵百祿欣滋至暉暉旭日升  
其一

至聖由天縱生知復敏求詩書窺奧蹟典籍極冥摛



睿藻珠璣燦奎章雲漢流尊儒崇正學論道啟鴻猷識  
遠神偏暇思勤業倍優欣逢交泰日願進

萬年籌

其二

萬壽詩

五言排律十二韻

翰林院庶吉士臣孫詔

聖節中天會卿雲復旦時堯天周甲子軒歷紀千支玉  
燭光昌運金甌鞏

帝基休徵呈萬象寶錄握重熙

文德昭干羽

神功勒鼎彝

恩膏流四海鼓舞徧羣黎道與三皇並仁無一物遺榮

光河瑞應仙掌露華滋靈草呈三秀嘉禾徧兩  
岐美祥天地報麗象日星垂瑟上薰風度寰中  
化雨施羣工齊拜手共上

萬年詞

萬壽詩

七言律二首

翰林院庶吉士臣鄭其儲

萬年天子正當陽八表羣依日月長  
端拱無為開樂利

太平有象慶明良  
四方向化民生遂  
一德同心

帝道光花甲初周春  
晝永五雲遙捧紫霞觴

其一

疆宇由來重薊都  
山河襟帶是神區  
千秋磐石

開

皇極萬載苞桑鞏

帝圖玉燭自調綿景歷泰階常正啟祥符衢歌華祝敷

天慶蹌濟忻陪鴈鷺趨

其二

萬壽詩

五言排律二十韻

翰林院庶吉士

臣 戈懋倫

華渚虹光繞

皇圖景運昌和風宣令節麗日靄青陽

紫禁春暉永

彤墀翠幙張亮工傳喜起熙載効匡襄禮樂追豐鎬

恩威邁漢唐雕題遵政教重譯凜冠裳端冕臨中極宵

衣問未央

龍飛綿寶錄鳳羽翹高岡受命膺純嘏凝休簡俊良惠  
疇詢岳牧典禮重明揚

聖德彌寰海嵩呼滿

帝鄉省耕聞夏諺祈穀肇農祥保定岡陵固升恒日月  
長三台環斗極五緯耀巖廊入覲和鸞盛來同  
玉珮鏘綺筵陳醪醑蘭圃薦瓊芳碧柳垂青瑣  
穠桃拂建章遏雲仙響奏傍日

御爐香金鑑千秋錄瑤池

萬歲觴

小臣

持獻

壽珥筆頌無疆





萬壽頌

有序

翰林院庶吉士臣王晦

欽惟我

皇上之御極也顯謨承烈平地成天涵太極於一心  
九重獨運秉乾元而首出萬國咸寧風雨露雷基化功  
於宥密日星雲漢符法象於高明固已駕禹而  
軼湯不啻陶堯而鑄舜猶且

躬承道統手握靈機學貫天人滙百川而歸海政調溫

肅偕四序以成功揮戈而一掃蠻雲敷土而頓  
平竹箭金雞布愷木鳳銜恩蠲鄙屋之積逋庭  
無萋楚發太倉之儲粟澤有稻粱

六御巡行既採風而問俗

萬幾清暇恒汲古而橫經文章則二典三謨言為世則  
書法則兩儀八卦畫自天開虔俎豆於尼山首  
崇儒術簡蒐苗於玉塞載纘武功八法持衡舉  
錯而吏多清白兩闌校士蒐羅而人奮功名若

乃敬授人時象璇衡於儀器聿隆孝治宏錫類  
於尊親此蓋自生民以來未有如我

皇上者也恭逢

甲子初周正及干支方始序當三月上林之錦繡爭

榮節屆

萬年南極之光華遠照瑞氣平添於虹渚太液池邊祥  
雲四達於斗樞未央宮裏共仰

天顏有喜率土來王羣歌

聖壽無疆普天同慶

臣

晦初離草莽荷托雲霄忻逢百

祿之罄宜敬祝九如之戩穀推大衍之策萬有  
一千稽皇極之書十有二萬與天無極如日之  
升爰拜手而為之頌曰

帝德廣運巍巍則天蕩平正直無黨無偏知臨萬國玉  
鑑高懸仁育義正溥博淵泉道承聖統學接心  
傳郊壇廟祀升中告虔巡行方岳柴望山川採  
風東魯瞻拜文宣頗開講席時

御經筵發明理奧俎豆先賢尤勤民事夙駕桑田省耕  
省歛賜復賜蠲祥刑愷悌宥過釋愆人安覆載  
物荷陶甄我

皇執競地靖烽煙永清邊塞蕩掃閩滇干戈用戢禮樂  
相先陋茲綿蕞奏以薰絃官方士習清風穆然  
寄情文囿託興魚鳶湖山競秀花木爭妍手繙  
玉軸心賞芸編千峯染翰五色飛箋

宸章煥發光耀星躔武功文治軼後超前

皇猷浩浩仁壽綿綿常貞日月迭運坤乾張梨安棗貢

自神仙梯山航海拜舞喧闐

小臣

颺頌

天子萬年

萬壽無疆詩

有序

翰林院庶吉士

臣卜俊民等

臣卜俊民等於壬辰三月伏蒙

皇上親加考試又搜拔遺卷

恩賜進士並選入庶常異數殊榮自制科以來未之有也今恭遇

聖壽六旬正誕普天率土莫不抃舞懽忻羣申歌祝

臣

等業附翰林官後繕成詩冊進



呈顧以

天恩高厚感頌私情有所未盡伏讀

上諭以萬姓之安為安天下之福為福大哉

王言實肇億萬年無疆之休用聯長句賡和成篇謹拜

手稽首而獻詩曰

一人首出乘乾剛

臣卜俊民

健行不息恒自強

臣曹鳴

履中建極符禎祥

臣李鍾僑

南極星輝燭萬方

臣陶貞一

受天百祿純嘏常

臣劉於義

超前軼

後惟我

皇

臣潘允敏

紹聞衣德

聖圖昌

臣王圖炳

統一區宇恢紀綱

臣鄂爾奇

傳心精

一追陶唐

臣楊士徽

豐功駿烈越夏商

臣何國

宗  
滇南漠北

神武揚

臣秦靖然

德威遠播鞏金湯

臣田嘉穀

巡行指授平淮黃

臣徐雲端

決排疏濬嚴隄防

臣馮汝

軾  
修和府事庶績康

臣許鎮

百工喜起當明良

臣俞鴻圖

山龍黼黻皆文章

臣杜詒

聖學高深日就將

臣鮑開

天人性命闡微茫

臣孟班

網

羅載籍研精詳

臣楊祖楫

文濶浩瀚涵溟滄

臣

何應鰲

鸞音鳳藻踰百王

臣林昂

珠璣字字聲

琳琅

臣顧嗣立

石渠天祿盈縑緗

臣王澍

萬幾餘暇探珠囊

臣狄貽孫

宵衣旰食彌不遑

臣徐杞

大綱具舉衆目張

臣易簡

穆然恭己臨蒞莊

臣

漆紹文

五十二載垂雲裳

臣周天祐

萬年

天子壽而臧

臣程夢星

昭陽之歲月青陽

臣薄海

甲子

初周稱壽觴

臣春山

花明上苑春正長

臣秦休

虹流電繞日月光

臣周金簡

歡聲雷動徧八荒

臣王時鴻

行慶施惠蠲租糧

臣喬時适

蒸黎樂

育安農桑

臣董胡宏

科開

萬壽春風香

臣周彬

紅杏林邊丹桂芳

臣郭孫順

士庶

歡呼夾道傍

臣錢廷獻

風光第一推

帝鄉

臣楊潛

蓬萊紫氣環金閭

臣沈世屏

敷天率土偕

來王

臣夏慎樞

賈琛重譯爭梯航

臣陳王謨

師

師濟濟駕鷺行

臣舒大成

老人扶杖羣趨蹌

臣

覺羅名昌

塵清輦路鳴珮璫

臣胡煦

千門萬戶

錦繡場

臣李如璐

星毬火樹交輝煌

臣徐依

衢

歌巷舞喧笙簧

臣張淳

雲韶法曲諧鏗鏘

臣湯

大輅

百獸率舞儀鳳凰

臣莫與及

錦絲步障連

宮牆

臣白子雲

黃鶯紫燕飛廻翔

臣魯立

上林

春色遙相望

臣王夢旭

恩波太液流汪洋

臣林

景拔

涵濡九有登豐穰

臣王遵宸

熙熙皞皞樂

未央

臣謝濟世

生成厚德不可量

臣鄭之僑

聖心求瘼猶傍徨

臣張旭

臨深履薄永弗忘

臣劉蛟

載

申

天語何昭彰

臣孫詒

為民祈福格穹蒼

臣鄭其儲

四序

均和時雨暘

臣潘祥

人給家足饒倉箱

臣王晦

仁風廣扇胥拜颺

臣戈懋倫

盈廷交泰同贊襄

臣朱一鳳

臣等忝竊升廟廊

臣李中

朝聞靈鵲

鳴海棠

臣汪倬

蓬池有酒盈天漿

臣吳闓杰

金

莖仙露應共嘗

臣汪份

涓埃未報滋悚惶

臣朱

綸  
祝禧賡韻倣栢梁

臣王時憲

繼聲周雅傳無

疆

臣張玠

萬壽詩

七言律十首  
有序

鑲藍旗色勒佐領下編修降級隨旗九品臣查 賚

欽惟我

皇上

宅中圖大道高乎千聖百王

開物前民德被乎九州四海千百世之鴻基永奠羣

樂中天億萬年之鶴算綿長新周六甲律中姑

洗令值勾芒合中外以來朝三春日暖罄臣民



而登祝

萬壽筵開獻棗如瓜殿上無非仙侶催花作果人間卽  
是蓬瀛凡此歌樂愷以慶尊親際昇平而來遐  
邇者胥由我

皇上孝弟之至格於幽明歆享之誠光乎俎豆危微精  
一接堯舜之心源中正和平垂禮樂之盛治

允文允武

乃聖乃神豈惟研覽乎萬幾抑且包羅乎羣藝絜染翰

則龍蛇競舞  
擒詞則風雨爭飛  
玉帛通乎萬方  
勲華被乎四海

金戈所指共看載道壺漿

玉轡所臨無不連城橐甲  
致區域之外測海水而來  
歸盡宇宙之中沐雨膏而共戴  
乃猶量其出而  
為入薄賦寬徭與其重而寧輕恤刑慎罰

恩霑率土慶溢通衢因

萬壽以開鄉會之科桂樹與杏林並茂徧九州而擴蒐

羅之典鷹揚偕鸚薦同升是宜厯婉乾坤永一

十五國之共球

壽齊山嶽等萬八千歲於

天皇臣賚累世承

恩空負含宏之廣厚恭逢

大慶難伸愛戴之微忱謹稽首頓首進

呈七言律詩十章章首四字恭列詩題

萬壽無疆

太平

天子正當陽瑞氣晴薰滿殿香

花甲初周三月歷瑤堦爭進

萬年觴史占五岳環

宮闕樂奏鈞天引鳳凰共樂雍熙歌大有華封願祝

壽無疆

其一

德侔天地

南山獻瑞彩雲中

聖澤無私處處同  
天地不言生大化  
平成永奠荷

神功爐煙縹緲呈

端拱仙仗依微漾  
曉風自是

盛朝綿厯象卿雲  
捧日射波紅

其二

明並升恒

魯頌賡歌舊有聲  
照臨不息體天行  
萬方莫不尊親日  
薄海咸深覆載情  
五色賦成昭泰運  
三階露下燦金莖  
歡娛此日情何限  
長沐恩波荷

聖明

其三

孝隆繼述

嵩嶽鍾靈駕六鑾山河形勝壯龍蟠混同地闢  
皇輿廊長白天開景運寬大孝莫如天下養

聖人惟是寸心安應知錫類恒無匱海宴山寧歲歲看  
其四

尊崇祀典

聖王御極重明禋綿亘千年

玉祚新感格不徒憑灌獻馨香自是格神人凌晨香

靄金爐裊射旭花明翠幌陳叨沐

恩施逢燕喜百靈效順媚芳辰

其五

文德宣昭

桃花燦爛柳枝黃獻壽同歌化日長

文命誕敷超夏禹

欽明克峻邁陶唐波搖

天筆龍蛇動字落人間翰墨香

帝德難名今最盛載賡雲漢上

君王

其六

武功底定

戎衣底定靜無譁一統車書望裏賒

口授六韜平閩粵

躬親三尺淨流沙迄今塞外來重譯永此寰區仰日

華

大壽河山歸版籍蠻荒萬國祝



天家 其七

恤刑頒赦

滿天花柳逞芳菲  
長養無私日有暉  
貫索星消占瑞象  
園扉草長荷生機  
法於過處詳輕重  
仁

寓威中考是非

聖主恤刑全愷悌  
雞竿欣覩

詔頒飛 其八

普天蠲賚

蓬萊宮闕五雲屯  
露灑天堦未有痕  
紫塞歡中騰愛戴  
黃垓頌裏樂生存  
已資賑貸來

天府共慶追呼罷  
里門中外從容歌

聖化月明雞犬靜  
江村

其九

萬壽開科

春雷起蟄日遲遲  
正是人文變化時  
桃杏均霑上苑雨  
芝蘭隨發九秋枝

天顏有喜飛丹詔  
盛世揮毫集鳳池  
奎壁只今光列象

百僚競獻

萬年詩 其十

萬壽詩

五言律四首  
有序

原任翰林院庶吉士

臣董泰

臣聞一人有慶四海深介祉之思萬福攸同兆  
民切躋堂之願是以含哺鼓腹之世人祝三多  
羔羊朋酒之篇民稱萬壽歡聲所感大地皆春  
瑞景方長普天共祝欽惟

皇帝陛下

瑞洽虹流

祥鍾電繞

垂衣致治瞻雲日於堯年

縉瑟歌風布春陽於舜世茲屆三春時序恭逢

萬壽昌期花甲方周綿地久天長之歷椿齡伊始啟竹

苞松茂之基統萬方之白叟黃童並效嵩呼三

祝合九土之英才碩德羣歌

天子萬年臣等世受

國恩身逢

盛代頃因筭學特荷

掄收恩波裒自天邊異數邀於格外尚方給札草茅得  
進金階光祿傳餐藜藿與嘗玉食質慙謏陋尚  
未報夫涓埃志切賡颺寧敢辭於弇鄙雖井蛙  
管豹莫能窺

聖德之高深而蚓竅蟬吟聊以展微臣之頌禱謹拜手  
稽首而獻詩曰

大德超千聖

皇猷邁百王西池呈瑞彩南極燦瑤光花滿春方盛筵

開日正長太平綿歷算寰海慶無疆

其一

五十二年春初周花甲辰數從今衍萬

德與日俱新多壽惟仁者占星驗老人長生權自握悠

久撫斯民

其二

萬國稱觴盛嵩呼倍往年祝堯君德峻歌舜日

華鮮松栢長春頌岡陵介壽篇誰能名蕩蕩丕

冒本如天

其三

雲物呈祥日歡騰紫陌周霞觴稱

萬歲金鏡頌千秋有慶人人樂無疆處處謳

微臣

恭獻

祝億載沐宏庥

其四





萬壽詩

五言排律十四韻

原任翰林院庶吉士

臣尚彤廷

百福

熙朝集千祥

聖世駢中和隨律轉化育與時宣祝比華封進詩同天

保傳載陽當令序

寶祚紀瑶箋淑景移

三殿條風拂九埏歡聲齊率土廣樂奏鈞天

帝德乾逾健

皇仁箕永綿升恒如日月鞏固若山川堯日人爭就軒

圖治比肩鴻庥一氣轉慶祚萬齡延田野嬉耕  
鑿泥塗望濯湔恭逢嘉節至引領瑞雲邊

德沛芸生廣

恩周涸轍偏陳詞歌景福雀躍戴陶甄

萬壽詩

五言律八首

原任翰林院庶吉士

臣

杭宜祿

景運當陽日

皇仁大暢時祥雲霏

鳳闕淑氣繞

龍池斗拱三山秀風迎九節枝臣民齊頌祝天地樂

無私

其一

聖天原一德

帝祚自遐昌區宇煙雲合人間日月長歡騰迎舜日拜

舞捧堯觴遠近籌添獻春花繞

殿香

其二

日暖圖書燦天清象緯申謨猷超百代綱紀耀

三辰郁郁

龍編煥翩翩

鳳藻新川原增錦繡率土慶長春

其三

睿算天弧拓

皇威四海通朔南均化育梅柳共春風

德沛聲光振

恩深甲冑雄太平當此日萬代樂成功

其四

盛世掄才廣中天雅化成石渠宏壽紀

金殿重科名日暖蘋魚躍秋香月桂生車書來萬國

樂愷識

皇情

其五

世泰陰陽順春溫萬物遊

詔蠲十五國

恩溢百千秋芳甸蒸雲暖遐荒戴露周大哉

皇澤遠長與漢河流

共六

寶厯承乾運春深醞太和共知椿不老從此海無波

化洽生成久

恩流品彙多天心同

聖德浩蕩樂賡歌

其七

華渚流虹遠

君恩大地寬卿雲恒作瑞碧海永迴瀾慶自

一人見光同兆姓看萬邦登壽域歌吹滿長安

其八





萬壽詩

七言律五首  
有序

原任翰林院編修臣熊本

欽惟我

皇上御極之五十二年

萬壽昌期六旬大慶景星表瑞玉燭凝庥九有謳歌八

紘鼓舞河清海宴慶厯數之無疆物阜民安樂

化成於久道浮琛輸賁皆淪肌浹髓之儔擊壤

呼嵩盡摩義漸仁之衆歡聲似沸喜氣成雲歌

天保者濟濟蹒蹒躋公堂者熙熙攘攘臣熊本  
仰觀駕鸞之舞莫禁鳧趨竊懷犬馬之恩尤深  
崔喜敬取易乾元亨利貞五字各成鄙詞恭呈  
御覽惟祝

聖天子永享太平之福於億萬斯年而小臣本得長蒙  
樂利之休於南東其畝而已至我

皇上聖謨神化武緯文經致治美婉夫唐虞勛亂功高  
於湯武此雖詞臣舐筆尚莫罄其形容國史盈

編猶未得其梗槩

臣

之蠡測管窺固未足頌揚

於萬一也其詩曰

乘乾首出仰垂裳德業豐隆壽且康符瑞蚤瞻雲日麗

禎祥更挹醴芝香文思光被徵悠久

天祐靈長寢熾昌行健自強參贊永九如齊獻萬年觴

其一

體元

帝德覆春臺資始網緼萬象胎已酌斗杓旋一氣更綿

歷數統三才範圍往聖歸陶鑄損益前王入化

裁瑞靄青陽喧燕雀溫溫和煦仰昭回

其二

咸亨品物發舒時氣協埏埴大化滋共識巽齊  
資彙潔還披離照嚮明治文章炳煥超今古禮  
樂輝煌著鼎彝蕩蕩無名嘉會盛

六龍乘御普雍熙

其三

美利鴻厖至治馨萬邦仁壽際咸寧聰明睿知  
尊三重謨烈勲華備九經解慍絃歌揮舜軫逢

春草木頌堯蓂敷陳

盛德曾簪筆盤鼎從看更勒銘

其四

運貞復始見天心物物根源二氣凝久道化成

欽正固太和保合慶咸登日新富有歸

皇極風動時雍啟瑞徵萬福春融調玉燭山呼長此頌

升恒

其五



萬壽詩

七言律二首

候補翰林院待詔

臣曹曰瑛

當陽日麗五雲中  
萬國衣冠拜舞同  
上際下蟠均

帝德東漸西被徧

神功連天轡幕紅  
霞煥寰海梯航翠  
羽通紫鳳銜來

丹詔發無邊  
人物荷薰風

其一

熙朝無地不陽春  
壽域天開慶作人  
何幸趨承瞻




盛典更叨筆札到

徽臣

黃星煥永聯東壁綠字分編

傍北辰親見錄圖初受祉太平歲月鎮常新

其二



萬壽盛典初集卷九十六

欽定四庫全書

史部

萬壽盛典初集卷九十七

詳校官宗人府府丞<sub>臣</sub>寶光鼐

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官學正<sub>臣</sub>李巖

謄錄監生<sub>臣</sub>李如梓

欽定四庫全書

萬壽盛典初集卷九十七

歌頌三十七

武英殿諸臣

萬壽詩

有總序

日講官起居注左春坊左諭德兼翰林院修撰

臣

吳廷楨

臣聞圖皇主錫肇開有道之徵川至日升載衍  
無疆之歷表禎符之不偶佑自天申迓景福於  
方來極由皇建風雲從而萬物睹日月浴而百

寶生聖乃乘時叶三靈而首出天惟眷德推五  
勝以代興爰自誕彌星虹感瑞洎乎歷載圖籙  
延祥用能坐享長年茂登上理納八方於壽域  
啟億載之昌期自昔為昭於

今尤盛欽惟

皇上

體乾常健

際泰方亨

躬聖神文武之全自生民所未有

握祿位名壽之契與造物者同遊

凝神而四序成功

恭已而萬靈受職啓圖書之秘鑰百家盡入懷中張

弧矢之威弦九譯胥歸

闕下箕風畢雨民有欲而必從喙息跂行物竝生而不害廣矣大矣天之無不覆也皇哉唐哉民之無能名焉茲當五十二年之春恭遇六十

萬壽之誕歲方周甲月正建辰奠砌祝

堯甫飄香於三英花宮獻佛先浴日於二旬於是萃萬

國之懽心慶

一人之聖節盈廷虎拜踰濟冠裳率土嵩呼紛綸玉帛  
陳賀牋之斐疊南北臺萊佐貢篚之珍竒東西  
鷄鰈青雲千呂人皆得氣之先絳節來朝臣有  
遊方之外時則

皇歡既浹民豫斯宣垂惠臣工豈樂鎬京之宴覃施兆

庶康娛漢室之酺敞靈囿之池臺圖披益地宣  
洞庭之金石樂奏鈞天獸舞鳳儀每蒙

天笑風暄日麗竝應人和合宇宙為大年率臣民與同

樂斯即鄉通日出視此匪遙節置天長方斯猶

隘者矣臣廷楨等身依化國生際昌辰瞻南極

之星明去天尺五紀西池之桃實得歲三千自

顧何人叨逢此日花磚載筆分裁祝嘏之章藜

閣繡書竝采延釐之句敢比儒紳之嘉頌以雅

以南聊同衢壤之康謠或歌或詔由此年年張  
樂與物皆春歲歲稱觥後天不老佇見升中岱  
室駕

顯號於七十二君重聞合歷天靈享

鴻禧於萬八千祀云爾

渚虹樞電

帝符昌歲月重徵誕

聖祥發育乘時春出震文明啟運午當陽仙蓂三莢飛



丹陛色線千絲上繡裳介壽欣承天保定賡歌

擬進九如章

其一

雲從雷動會

皇州八表同時拜冕旒

軒歷一周新甲子莊椿竝紀大春秋樂張廣野嵩呼應  
尊設中衢鎬飲酬卜算直須論萬億海天十屋

積仙籌

其二

德貺充庭寶物陳維

皇錫福惠臣民光騰珠璧天成象數叶苞符地效珍九  
譯梯航全盛世萬家烟火太平春來朝黃髮懽  
扶杖都是堯年鼓腹人 其三

香案氤氲

御氣通清班長在慶霄中分光雲日瞻

天近取象岡陵祝

聖同秀發

堯眉增壽采神凝

舜目轉方瞳萬年久道從今始南極宵明映

帝宮其四

翰林院編修臣廖賡謨

曙漏聲中淑氣催層層雲影護蓬萊千官率舞

排仙仗

九陛懽傳獻壽杯共仰乾行符

帝造欣逢泰運自天開璇圖寶歷知何極甲子應輪億

萬回其一

南極星高拱北辰祥開華渚耀龍鱗多時

御氣流丹禁到處

恩光接紫宸十丈藕花呈瑞早千秋桃實著枝新太平

真有昭回象長駐天邊不老春

其二

春殿晴開白玉筵箕疇福履慶尊前衢歌正叶  
陶唐日華祝重逢癸巳年知有仙籌添海屋早  
聞廣樂奏鈞天爐烟靄靄盈襟袖竊喜身依日

月邊

其三

入直承明

主眷深頻頒

御寶重南金永年銘署琅玕石壽世書成翰墨林十載

甄陶涵

聖澤三春雲物麗

天襟趨朝彌覺嵩呼切長願葵丹展寸心

其四

翰林院編修臣吳士玉

太平時節祝

堯辰端拱垂衣坐紫宸松棟鶯飛三月曉  
奠階虎拜萬年春  
仁風入律笙鏞協德貺充庭玉帛陳共喜  
百生今一遇敷天同日效尊親  
其一  
聖人首出象天行跨昊超軒

帝業宏日月光華文物盛車書混一武功成  
九河清應千年運五岳歡騰

萬歲聲正與乾坤參久大謙尊猶自却鴻名  
其二

皇風熙皞屢豐年鰈至鷦來徧八埏大賚

深恩涵似海永清

鴻烈峻於天東郊景麗華林苑南極光連太乙躔幸覩

作人雲漢倬萬方藥榜一時懸

其三

錦幔花燈接

帝居九衢民物入華胥上林樹集鳴岐鳳太液波跳宴

鰈魚山阜雅詩文陞進地天泰運史官書循環

元會綿千億

寶祚欣逢六甲初

其四

翰林院編修臣楊開沅

帝籙弘開壽域同蓬萊春色滿瑤宮旬周甲子

天逾健照徧光華日正中泰象三階方錫福歡心九野

競呼嵩欣逢

聖節齊軒厯流渚依然映玉虹

其一

平明絳節引班聯五老披圖拱慶筵

堯酒進時膏露渥

舜衣垂處彩雲連冀增瑞莢當三月椿茂仙枝紀萬年



更幸作人敷化雨普天桃李得春先

其二

南極輝煌映

御屏八紘共戴老人星梯航玉琯來重譯河洛丹書啟

秘局華蓋五雲占大有坤輿萬國慶咸寧太平

人上三多祝詎待松喬問紫庭

其三

武英春殿倚層城叨傍花磚珥筆行地近瑤階依

黼座天垂湛露浥金莖圖書長仰

奎文麗星日時瞻

寶翰明拜舞敬陪鵷鷺後琅霄同聽九韶聲其四

翰林院編修臣宮鴻歷

慶都毓瑞自青陽華祝嵩呼徧八方萬管麟毫  
書德筆千番鳳紙紀功章循環花甲天行健流  
轉芳辰日景長南極一星朝

帝座敬隨五老獻霞觴其一

一巡鳳歷斗杓旋重會貞元景福全  
蓂莢舒英  
方十八桃枝著子恰三千

龍飛利見逢辰月鶉火中天應午年步算更須煩隸首

如川

寶祚正延綿 其二

甲子千年始一輪長齡纔比日初晨壽星躔次

剛三月梵帝靈辰後兩旬風雨露雷均

聖德山川草木被

皇仁今年歲閏聽釐祝時節舒長

景運新 其三

一人甲帳念民勞萬姓春臺沐雨膏大地輿圖看日擴  
太平勲德比天高

重瞳目已瞻奇表

八彩眉先出壽毫願上千秋金鑑錄豐年禾黍勝蟠

桃其四

翰林院檢討臣盧軒

通明晨啟瑞煙浮

聖節天成海益籌鳳紀喜看周甲子龍圖方數萬春秋

虹流華渚懸朱羽星燦微垣拜

綵旒泰運如今從古少九垓何地不共球

其一

歷代皇猷萃

一人綿延玉歷總元辰手清寰海干戈偃坐啟明堂禮  
樂新直與兩儀衡久道長令萬世仰

深仁蒼黎何幸逢

昌祚不羨華胥國裏民

其二

令序真教四美并遲遲宮漏出雲扃春曦恰照

瑤池水歲曜方朝紫極星  
芳甸氣清開百卉  
彤堦風動點三  
莫鸞笙吹徹龍璫會  
玉酒稱觥滿

帝廷

其三

書成

祕殿詔新鐫館職編摩許  
備員四庫寶籤琅笈啟九  
重  
聖訓玉宸傳寵光幸改青  
衫舊點綴慚無彩筆鮮金  
簡  
排來千萬字一春一字祝

堯年

其四

翰林院庶吉士臣楊士徽

九霄符彩慶堯曦八表同歡拜

玉墀南極星輝依北斗東風律暖奏西池絳桃乍採

千年實花甲初陳

萬壽卮元會無疆鴻厯永百生何幸際昌期其一

太液波深四海同羣黎戴德共呼嵩舒長正耀  
中天日熙皞還符上古風耕鑿由來歌帝力盈  
寧常自樂年豐試看萬國躋仁壽總在

皇心主靜中

其二

元氣氤氲繞

帝閭九成韶樂下鸞鳳萬年枝上和風漾百福屏中旭

日光膏露自天流解澤醴泉隨地溢瓊漿欲知

德業超三代聽取謳謠徧八方

其三

雙闕晴開萬井煙鳳城三月景逾妍花交綺繡繁春

苑鳥和簫韶奏

御筵有佛是名無量壽何人不戴大羅天

小臣

擬學華



封祝一寸葵心向日邊

其四

武英

殿

纂

修臣汪

灝

天高比

德報高齡紫氣雲光耀

闕延年錫禹疇圖叶福甲周堯厯歲占星煙浮栢葉

呈杯綠漢接椿枝映瑣青千萬億心同頌禱仙

荷瑞影現亭亭

其一

同來慶喜宴春長處處桃開艷吐香東海浴龍

蟠日舞上林巢鳳彩雲翔

功高奮武神戈止

治盛隆文麗藻揚嵩祝共呼交手拜中天普樂竝虞唐

其二

深基命固嶽山如午位衡方紀冊書金繞電光

春發盛渚流虹瑞

帝生初琴絃撫處薰風細藻火垂時化日舒琛獻更聞

韶奏九吟增嘏歲閏增餘其三

恩如海濶澤如川萬萬壽漆壽紀年

尊號拜呼班禮肅廣衢歌舞樂聲連繁枝綵袖斑環座  
美咏霞觴錦列筵村湍頌謳吟湍市元元喜樂

聖開天

其四

布

衣臣高不騫

曾聞鳳歷紀天皇四萬八千為歲長伏見鴻圖  
恢我

后聖神文武稱身強占星躔次春臨壽承運光明世保

昌月日恒升開七袞奇祥異瑞獻朝堂其一

歲首香生紅白荷為濡膏露醴泉多八荒重免  
一周賦十載初加

萬壽科縹帙詩新金斗錄黃封酒熟玉山禾柳邊花底  
華胥境稱兕觥當風景和其二

五十三春造化功下情移壽切呼嵩慶流世世  
時方泰波及元元歲屢豐玉濯丹泉輸海澨雲  
隄芝逕接崆峒

年高軒吳

心堯舜不獨

乾辭振大風

其三

淵鑑文章務去陳詩當

御選韻彌新自餘四庫經編輯每弁千言迪摺紳特地

雕鐫開

內殿平分校理到

微臣

願追伏勝張蒼齒長奉

無疆億萬春

其四

貢

生臣  
郭元紆

綺旭瞳矐捧

玉宸齊天

御算履瑶辰暢春人喜逢三月浴佛期猶後兩旬華渚  
萬年鍾瑞彩雲千片下雕麟欲知

寶歷綿長處甲子於今甫一巡

其一

皇猷

聖壽兩巍巍久道長年自古稀萬里車書朝

帝闕八方耆老獻

天衣香飛玉路笙歌滿花發珠林錦繡園從此上元兼

上巳萬年燈火慶王畿

其二

葉葉朝衫走衆寮百花春籞壽杯遙雲雷海宇

占豐稔燕喜公卿詠蓼蕭香路進名來岳牧玉

鳩扶杖有松喬承

恩最是青袍侶彩筆紛綸賦慶霄

其三

千樹紅霞繞

法宮玉波珍木瑞冲融一春風日三才麗四野人神萬  
福同化日舒長聞擊壤鈞天縹緲應呼嵩年年  
紫海滌衣去願獻磅礴晚實紅其四

進

士臣  
吳玉崑

太平

天子啟昌辰斗貫瑤樞瑞應陳億萬總教綿永祚八千  
何足紀靈椿

堯眉舜目春秋富鳳歷麟書甲子新率土尊親同獻壽



嵩呼聲裏和韶鈞

其一

尊號雍容讓不居  
淳風直欲接皇初  
勲華共仰中天治

封禪奚勞太史書

端拱無為登壽域  
昇平有象入華胥  
謙冲

聖度難窺測  
應許詞臣紀石渠

其二

嵩祝遙騰六宇懽  
先看佳氣溢

朝端

賜酺處處蒸黎喜  
蠲賦年年兆姓安  
化國山川膏露滿

仁王世界海天寬從今

萬壽科開後又育

皇家萬鳳鸞

其三

封菲叨霑雨露滋生逢景運樂雍熙渚虹樞電

瞻

金闕澤馬山車獻

玉墀南極一星呈瑞霽洪河五老告昌期躋堂願效

稱觥祝歌詠

堯天進壽卮 其四

進

士 臣汪 櫛

聖節初逢慶萬方同聲抃舞祝無疆  
瞻雲就日

天儀肅跨昊超軒

帝歷長豫動早知恩已徧健行從此福  
彌昌至誠不息

膺純嘏億載椿靈邁古皇 其一

誕敷華渚啟祥虹久致昇平

大業隆多士逢時茅茹拔三農得歲黍  
苗豐盈廷師濟

光華旦一統山河道化同

盛德形容歸樂府踴躍虞舞協呼嵩

其二

王猷永塞頌丕承累葉重熙上理登道貫三才資位育

光同二曜見升恒克誠自合天心享凝命常令

介祉增悠久直將高厚配豈惟松栢與岡陵

其三

三

靄靄卿雲護

紫宸仙桃初熟正熙春祥徵午位尊南嶽瑞應蒼龍拱

北辰祝效三多嘉頌獻壺凝百福上尊陳光天  
化日昌期會有慶常教賴

一人其四

進

士臣李登瀛

花迎鳳宸慶長春率土懽騰祝

聖人禹甸恢弘仁壽域康衢熙皞太平民  
歷周花甲天行健星燦微垣斗建辰

皇極貞恒開泰運含靈食德共尊親

其一

卷九十七  
統一寰區瑞氣融  
洪纖物類啟鴻蒙  
雙岐嘉穗秋原實  
千葉仙荷春殿紅  
太液晴波魚泳藻  
上林朝日鳳棲桐  
禎祥協應申天眷  
太史占年報

屢豐

其二

簫韶雅樂奏鈞天  
桂醕蘭肴奉

御筵頌效華封三  
祝句詩歌保定九  
如篇萬邦輯瑞來  
王會四海同風入

帝絃遙聽嵩呼綿  
寶曆蟠桃春宴慶  
年年

其三

雲漢為章星聚房中天日麗正當陽龍光焜耀  
文明晝鳳藻騫騰翰墨場樸作人歌

壽考圖書啟秘竝義皇

小臣

抃舞鵷鸞後珥華榮霑日

月光

其四

進

士臣  
徐啟純

鬱葱佳氣滿人寰風動時雍宇宙間運叶萬年  
開正始歷周六甲慶新頒花明陸阜凝春色翠  
擁岡陵悅

聖顏率土共欽仁者樂九如疊頌壽如山 其一

綿綿景福正如川

聖智怡情總自然已集大成觀海水更分衆德出淵泉  
文瀾濯錦浮三峽時雨零膏沛九天瑞應醴泉  
堪酌取代將春酒祝

堯年 其二

升恒日月自西東繼照寰區景正中紫氣函闕  
朝煜煜碧雲遙島夕融融會逢皓白千年鶴真



見純陽

五位龍慶衍無疆仙祚遠長懸雙炬寶燈紅

其三

蒼松翠栢勢輪囷古榦參天信有神蓋偃徂徠  
同建木根蟠新甫似靈椿蓼蕭滑露

慈恩渥棫樸瞻雲

壽考臻願製萬年歌萬首一年一度祝長春

其四

進

士臣遲之金

大統躬承寶歷綿巍巍

帝德竝堯天樓臺海市煙氛靖桃李春風雨露妍百世  
皇仁深覆載萬年景福奠山川

聖人有道應多壽四海謳歌叶管絃其一

海宇欣瞻瑞氣融臣民拜舞共呼嵩八方長養  
春風暖萬彙昭蘓

聖澤洪苑柳都依

丹陛綠宮花齊傍

御筵紅陽和六合皆歡忭永祝

長齡竝昊穹 其二

三月鶯花滿帝京  
山光遙映玉河清  
日迎劍珮金門曉  
雲拂笙歌綵仗晴  
南極星輝甘露降  
西池仙集瑞芝生  
已同民物登仁壽  
願竭葵衷奉

聖明 其三

璇宮建極喜當陽  
壽域弘開景正芳  
柳媚花明千色錦  
鳳儀獸舞萬年祥

恩周大地書金鏡  
樂奏鈞天進玉觴  
下士叨陪鵷序末

拜颺長頌九如章其四

進

士臣覺羅吳拜

六龍天位正時乘奮武揆文景福增五十二年勲赫奕

百千萬禩道恢弘羣看瑤圃仙桃熟共祝

皇圖化日升民物竝躋仁壽域箕疇歛錫慶休徵其

大德從來享大年我

皇受祿更超前梯航萬國供琛賁燈火千門奏管絃族

簇朱纓趨

玉陛煌煌仙饌列瓊筵歡聲恰共春雷動祝嘏先賡天

保篇 其二

六符光潤泰階平況復三春品物亨九奏樂和  
開鳳宸百花春暖拂龍旌欣逢華祝三多日慶  
衍嵩呼

萬歲聲衢室一樽同獻壽如天如地擅鴻名 其三  
垂衣致治邁軒唐

寶祚珍符竝古皇金母西來呈瑞氣木公東至現祥光

椿齡詎以春秋計  
莫算初看歲月長  
拜舞幸陪  
鵷鷺後觴稱

萬壽祝無疆

其四

進

士臣  
孫宗緒

紫垣炳耀日輪紅  
華渚祥光護

法宮鳳扆花明三月裏  
龍爐香繞五雲中  
千官獻壽冠

裳集萬國輸忱玉帛同  
樂奏鈞天看拜舞一時

鰲抃效呼嵩

其一

萬物亨嘉海國春蠲租歲歲洽

皇仁

恩覃動植如天覆

德冠勲華又日新鼎祚熙隆垂億禩乾行化育福生民  
箕風畢雨皆從好景祿鴻庥次第陳其二

開拓邊陲

聖武昭航琛輦晝豈辭遙雲雷鼓盪煙塵靜海嶽懷柔  
玉燭調瑞日中天崇闕里薰風大地動簫韶巍

巍功德猶無逸

鑾輅時巡岳牧朝

其三

作人雅化啟昌期髦彥觀光拜

聖慈試院新開龍虎榜上林徧植鳳凰枝升恒日月無  
疆歷喜起堂廉有道時玉軸金緘齊獻頌

萬年天子太平基

其四

萬壽盛典初集卷九十七